



## **La manu strania**

**Di na certa manu strania, sintiva parlari di carusu,  
ni parlanu arridiennu, ma nun ni capiva l'usu,  
quannu versu la cinquantina, mi stuccau la manu ritta,  
ricurdannu ddra vecchia frasi, capivu picchè viniva ditta.**

**M'acchianaru nmenti certi cosi, ca lu parrinu mi cuntava,  
quannu nchiusu in cunfissioni, l'armuzza mia svacantava,  
lu dimoniu è tintazioni, certi cosi nun si fannu,  
ponnu cadiri li manu, annurbari entru l'annu.**

**Pi furtuna di li carusi, sta diceria fu sbintata,  
comu fussi na gazzusa, di tri iorna ristuppata,  
si lu parrinu ni lu so diri, avissi avutu tecchia ragiuni,  
avissi a essiri uerbu, ciungu, e macari un pò ricchiuni.**

**Ancora oi pi li parrina, cu si tocca fa gran piccatu,  
s'accussì fussi, lu munnu sanu, allu nfernu è cunfinatu,  
ma quarcosa a mia mi dici, ca iammu tutti nparadisù,  
picchè sapi lu Signuruzzu, a quali piccati dari pisu.**

**Caniattì Siettemmru 2006**

**Indice poesie: <http://www.solfano.it/treppiedi/index.html>**

**Pagina principale: <http://www.solfano.it>**